



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

22. De sudore sanguineo.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

nitè amaret, non abnueret, etiam cum dispen-
dio hominis quàm primùm Filio gratificari.

MEDITATIO XXII.

Confortatio & sudor sanguineus.

PUNCTUM PRIMUM.

Tertium oranti apparuit Angelus de celo *Luc. 22.*
confortans eum: haud dubiè missus à Deo 43.
Patre, & fuisse Gabrielem credibile est, qui ad Ab An-
obsequium humanitatis Christi peculiariter fu- gelo
it destinatus. Sic Deus perseveranti in oratione confor-
impertit in tempore solatium, & auxilium. tatur.

Confortavit Christum, proponendo neces-
sitatem passionis ejus, & gloriam inde Patris
secuturam, & ipsius Christi, similisque ratio-
nes. Quas licet ipse Dominus perspectas habe-
ret, submissè tamen ex Angelo accepit, inde se-
ipsum animans, & confortans pro conditione
humana. Discam non dedignari ab inferiori
dirigi, & solatium admittere, quando etiam
nihil novi, aut ignoti profertur: fit enim, ut
illuminemur magis à Deo, propter humilitatis
obsequium.

PUNCTUM II.

OB dicta Angeli, factus in agonia prolixius *Luc. 22.*
orabat. Agonia fuit conflictus internus, 43.
dum ex una parte timorem & tristitiam vehe-
mentem efficerent *versantes cogitationi cru-*

E s cia-

ciatus; ex altera autem respectus Dei & salutis nostræ, ad amplectendam mortem incitaret.

Pugna
tristitiæ
cum ze-
lo glo-
riæ Dei.

Inter hæc factus est sudor ejus sicut gutta Sanguinis decurrentis in terram: adeò fuit vehemens utrinque conflictatio. Erat in potestate Christi timorem, & tristitiam cohibere; sed specimen exhibere voluit pugnæ mox ineundæ cum ipsis tortoribus & tormentis: deinde exemplum dare repugnandi nostris passionibus usque ad sanguinem. Denique docet, difficultates omnes, quæ in Dei servitio occurrere possunt, præmeditari, atque adversus illas obfirmare animum, ut præsentibus minùs feriant, quippe jam antea devictæ.

Christi
libera-
litas in
effusio-
ne san-
guinis.

Hæc spontanea sanguinis effusio est instar myrtiæ primæ ac probatissimæ, quæ sponte fluit ex arbusto, priusquam vel pungatur, vel cortex detrahatur: ita nunc Christus fudit sanguinem toto corpore, effusus postea totum, flagris concisus, clavis ferròque perfossus, & spinis punctus. Quare cogitandum est in hac agonia per vehementissimam singulorum cruciatuum apprehensionem passum fuisse Dominum omnes simul dolores, quos postea tortores intulerunt ex cruciatione corporis. Vide charitatem.

Dolor de
peccatis
nostris.

Voluit etiam repræsentare nobis immensum dolorem, quem concipiebat ob peccata nostra, & Dei offensas, ut satis ei non foret lacrymis eas deflere, sed ad eluendas sanguine opus fore.

Repræ-

Repræsentavit etiam in seipso passiones, quas Sensit passiones electorum. corpus ejus mysticum subire debebat, & ita quodammodo cum singulis martyribus, & confessoribus patiebatur, quantum decet magis, ut ego ipsius Christi tormenta pro me obita intimè sentiam, & meo sanguine demerear?

Tandem considera, quàm ex isto sudore, & agonia manserit debilitatus, nullo interim adhibito levamento, vel absterfione sudoris.

PUNCTUM III.

Tertio surgit ab oratione, *invenit discipulos etiam dormientes præ tristitia.* Alacer surgit, ad confligendum cum morte: hæc fortitudo est fructus orationis. Non coarguit discipulos, sed indulget: dormite jam, & requiescite: vel indicat rem jam peractam, propter quam eos vigilare jusserat. Monet tamen evigilare ob præsens periculum, quando moniti, ut orarent cum ipso, non fecerunt. *Sufficit, surgite eamus, ecce appropinquat, qui me tradet.* Non ille dormit sicut vos: pudefiam de oscitantia mea in Dei servitio præ inimicis Christi ad eum offendendum.

MEDITATIO XXIII.

*Applicatio sensuum internorum circa
effusionem sanguinis
Christi.*

ME-